



BOSNIA AND HERZEGOVINA  
MINISTRY OF FINANCE  
AND TREASURY

Sarajevo, 09.02.2012. godine

Povodom izjave predsjedavajućeg Zastupničkog doma Parlamentarne skupštine BiH, gosp. Milorada Živkovića u sredstvima javnog obraćanja *da Ministarstvo finansija i trezora BiH poštujući Odluku o privremenom finansiranju institucija BiH, treba da izda nalog za isplatu plata licima koja je dobijaju iz sredstava proračuna institucija BiH*, Ministarstvo finansija i trezora BiH saopštava slijedeće:

- **Zatečeni smo činjenicom da predstavnik najviše političko-zakonodavne vlasti poziva institucije BiH i Ministarstvo finansija i trezora BiH na kršenje Ustava BiH i Zakona BiH i istovremeno upućuje da se deblokira finansiranje budžetskih korisnika provedbom Odluke o privremenom finansiranju institucija BiH i međunarodnih obveza BiH za razdoblje januar-mart 2012.godine.**
- Podsjećamo gospodina Živkovića da je Parlamentarna skupština BiH dana 30. i 31.12.2011.godine odobrila Zakon o budžetu institucija BiH i međunarodnim obavezama za 2011. godinu, koji čini temelj za provedbu Odluke o privremenom finansiranju institucija BiH i međunarodnih obaveza za 2011. godinu.
- **Predmetna odluka nije provodiva s obzirom da je osnov za njenu primjenu usvojeni Zakona o budžetu za 2011.godinu koji još uvijek nije objavljen u Službenom glasniku BiH.**
- Zaključkom sa 7. sjednice Zajedničkog kolegija oba doma PS BiH od 30.01.2012. godine, utvrđeno je da, u slučaju da Predsjedništvo BiH do 03.02.2012. godine ne uputi Kolegiju Parlamentarne skupštine Zakon o budžetu institucija BiH i međunarodnih obveza BiH za 2011. godinu, nadležni kolegij će akt Ministarstva finansija i trezora BiH broj: 05-02-1-725-2/12 od 24.01.2012. godine (već razmatran i odobren od strane oba doma Parlamentarne skupština BiH 30. i 31.12.2011.godine) uputiti na objavu u Službeni glasnik BiH.

Imajući u vidu sve navedeno, a posebno Zaključak sa 7. sjednice Zajedničkoga Kolegija oba doma PS BiH od 30.01.2012. godine, Ministarstvo finansija i trezora BiH, poziva nadležni kolegij da ispoštuje usvojene zaključke te na taj način osigura neometano finansiranje institucija BiH i međunarodnih obveza BiH u razdoblju privremenog finansiranja.

**S poštovanjem,**

**ZAMJENIK MINISTRA  
FINANSIJA I TREZORA BiH**

**Fuad Kasumović**

